



Te Kāwanatanga o Aotearoa
New Zealand Government

Urutau, ka taurikura: Kia tū pakari a Aotearoa i ngā huringa āhuarangi

TE MAHERE WHAKAHEKE TUKUNGA
TUATAHI A AOTEAROA



HE PAKU TIROHANGA ATU



Te whakapakari i te manawaroa o Aotearoa ki te panoni āhuarangi

1.1°C te pikinga ake o te mahana o te āhuarangi i roto i ngā tau 100 kua pahure ake – e kite kē nei tātou i ngā pānga whakamōtī o taua whakamahanatanga ake. Kāore e kore ka piki tonu te tai moana, ka hūkerikeri ake te āhuarangi, me te mōrearea nui ake o te ahi taikaha me te tauraki. Ka taea ngā wero o te āhuarangi e panoni ana te kaupare – engari kia kaua e moumou tāima. Me mahi i ngā mahi ināia tonu nei. Koinei te pūtake o tēnei mahere urutaunga ā-motu.

Ka whakatakoto te rautaki urutaunga paetawhiti ka pēhea a Aotearoa e whakapakari ai i te aumangea mō ngā wā pāhekeheke e tū mai nei.

<p>Ngā whāinga urutaunga paetawhiti</p> <p>Te whakaiti i te noho whakaraerae</p> <p>Whakareia tō kaha urutau</p> <p>Whakapakari i te aumangea</p>	<p>Ngā aromatawai tūraru panoni āhuarangi ā-motu</p> <p>Tautohua ngā tūraru panoni āhuarangi me takatū e tātou</p> 	<p>Te mahere urutaunga ā-motu tuatahi (2022-28)</p> <p>Ngā whakataunga e pai ake ai te mōhio ki ngā tūraru</p> <p>Te whakawhanaketanga e manawaroa ana ki te panoni āhuarangi ki ngā wāhi tika</p> <p>Kei roto i ngā kōwhiringa urutau ko te whakatahinga whakahaere</p> <p>Te tāmāu i te aumangea ki te panoni āhuarangi puta noa i ngā tari me ngā umanga o te kāwanatanga</p>	<p>Ngā mahi urutau</p> <p>Ngā rautaki, ngā kaupapahere me ngā marohi e mārama ake ai tātou, e taea ai hoki te urupare ki ngā mōrea panoni āhuarangi</p> 
----------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------

He tukanga mutukore te urutaunga o te aromatawai me te whakahaere i te mōrea, te aromātai i te tōtika o ngā mahi kua mahia, me te urutau i aua mahi ki te hiahiatia. Mā te urutau haere ki aua pānga o te panoni āhuarangi tē taea te karo, ka tupu ake tō tātou aumangea ki aua mōrea.

Nā te panoni āhuarangi ka hē kē atu te mōrea ka tūpono mai ngā pūmate o te taiao – pērā i te waipuke me te tauraki – ka mutu, ka whakaputa i ngā mōrea hou pērā i te pikinga o te tai moana. Ka taea te whakamahi i ō tātou wheako o mua ki ngā pūmate tūturu hei whakapakari i a tātou kia noho takatū mō te mōrearea nui ake ā ngā tau e tū mai nei.

He tuatahitanga tēnei mahere urutaunga ā-motu nō tētahi raupapa o ngā mahere. Ka whakaotihia e He Poua a Rangi he aromatawai tūraru panoni āhuarangi ā-motu i ia ono tau. Mā tērā e tautohu ngā tūraru me whakatutuki i runga i te tino hohoro. Ka whakawhanaketia ngā mahere urutaunga ā-motu ka urupare kia aua tūraru i runga i te whitiwhiti kōrero ki ngā tāngata katoa o Aotearoa.

E arotahi ana te mahere tuatahi ki te whakarite kia tika ngā mahi tūāpapa. Ko tāna, he whakatakoto ka aha te Kāwanatanga kia puta mai ai ngā whakataunga e pai ake ai te mōhio ki ngā tūraru, ki te uruhi anō hoki i ngā whanaketanga e manawaroa ana ki te panoni āhuarangi i ngā wāhi tika, ki te āwhina i ngā hapori ki te aromatawai i ngā kōwhiringa urutau (taea noatia te whakatahinga whakahaere) me te tāmau i te aumangea ki te panoni āhuarangi puta noa i ngā mahi katoa a te Kāwanatanga.

Mā te mahi tahi, ka taea e tātou te whakaheke i tō tātou noho whakaraerae ki ngā mōrea panoni āhuarangi, te whakarei i tō tātou kaha ki te urutau me te whakapakari i tō tātou aumangea ki te āhuarangi panoni haere.

Te whakaputa i ngā whakataunga e pai ake ai te mōhio ki ngā tūraru

Ka whai pānga te panoni āhuarangi ki ngā wāhi e hiahia ana tātou ki te noho, ki te āhua o ngā mahi pāmu, ki te āhua e whakahaeretia ai ō tātou pakihī, me ngā āhua e whakarite ai kia noho haumarū tātou. Hei whakaputa i ngā whakataunga papai, me aromatawai i ngā tūraru āhuarangi ka pā ināianeī, hei āpōpō anō hoki, ki ō tātou kāinga, pakihī, me ngā hapori.



Mā te mahere urutaunga ā-motu e āhei ai ngā tāngata o Aotearoa te whakatau i runga i te mōhio pai ake ki ngā tūraru. Hei whakarite kia whai urunga te katoa ki ngā mōhio, taputapu, tikanga, ārahitanga e hou ana me te hāngai, mā te Kāwanatanga e:

- ▶ whakarato urunga ki ngā raraunga matapae āhuarangi tino hou rawa kia whiwhi ai ngā tāngata o Aotearoa ki ngā mōhiohio e hiahia ana ki te aromatawai i te tūraru panoni
- ▶ hoahoa me te whakawhanake tomokanga mōhiohio mō ngā tūraru me te urutaunga ki ngā panoni āhuarangi kia wātea ai ngā mōhiohio pūmate ao tūroa, ngā raraunga me ngā mōhiohio āhuarangi hoki ki te katoa
- ▶ whakapūmau i te pūhara mō ngā mahi whakamauru panoni āhuarangi kia kaha ai tā te Māori whai wāhi ki te hoahoa kaupapahere me ngā mahi whakamauru panoni āhuarangi mā ngā tāngata Māori, me te tautoko i ngā hapū, iwi, me ngāi Māori ki te whakawhanake rautaki, mahere mahi anō hoki mō te urutaunga me te whakamaurutanga.
- ▶ whakapai ake i ngā mōhiohio pūmate ao tūroa i ngā Manatu Mōhiohio Whenua (Land Information Memoranda (LIM)) hei āwhina i te tangata ki te whakatau i runga i te mōhio ki ngā mōrea pūmate ao tūroa ina hoko mai i tētahi whare
- ▶ whakapuaki i te hōtaka haere tonu o ngā aratohu urutaunga kia whakawhāitihia ake kia pai ake tā ngā kaiwhakatau aromatawai me te whakahaere i ngā tūraru ā-āhuarangi.

Te whakariterite i te whakawhanaketanga e manawaroa ana ki te panoni āhuarangi ki ngā wāhi tika

He roa te tauoranga o ngā taiao e hangaia ana. He mea tino nui ā tātou whakataunga i tēnei wā mō ngā āhua me ngā wāhi o ā mātou mahi whakawhanake. Me noho aumangea rawa ngā whare, ngā tūāhanga me ngā hāpori ki ngā pāpātanga o te panoni āhuarangi, ka mutu, me whakakaha i tō tātou āhei ki te urutau ki te āhuarangi e panoni ana.



Hei whakarite kia arataki ō tātou pūnaha whakamahere me te haumi ki ngā tūāhanga i te whanaketanga e manawaroa ana ki te panoni āhuarangi ki ngā wāhi tika me te āta aro ki ngā tūraru e panoni tonu ana, mā te Kāwanatanga e:


- ▶ whakahou i te pūnaha whakahaere rawa kia hāpaingia ai ngā whare, tūāhanga me ngā hāpori kia manawaroa, me te whakatītina i te tupuranga me te whanaketanga hei āpōpō ki ngā wāhi tika
- ▶ whakatakoto i te ahunga mō te whakahaere mōrea pūmate ao tūroa me te urutaunga āhuarangi mā te Anga Whakamahere ā-Motu
- ▶ whakahou i ngā whakaritenga whakahaere mō ngā ratonga wai kia puta mai ai ngā putanga hauora me te toiora pai ake ki ō tātou hāpori, me te tiaki i tō tātou taiao mō ngā whakatipuranga kei te heke mai.

Me whakamahi ngā kaunihera i te mana kei a rātou i tēnei wā ki te whakariterite i te whakawhanaketanga e manawaroa ana ki te panoni āhuarangi ki ngā wāhi tika. Me whakamahi rātou i ngā tauari āhuarangi e tūtohutia ana e te mahere urutaunga ā-motu ina tuhituhi me te whakaumu tauākī kaupapahere me ngā mahere.

Kei roto i ngā kōwhiringa urutau ko te whakatahinga whakahaere

Noho whakaraerae kē ai te maha o ngā hapori ki ngā takahanga pūmate ao tūturu. Ka piki tonu te kaha me te auau o aua takahanga i roto i te wā, ko te panoni āhuarangi te take. Ka āhei te kāwanatanga, ngā pakihī me ngā hapori te whai whakaaro ki te whānuitanga o ngā kōwhiringa hei whakaiti mōrea.

Arā te huhuatanga o ngā kōwhiringa urutaunga hei whakahaere me te urupare ki ngā mōrea āhuarangi rerekē.



Hei tautoko kaunihera, hapori, pakihī me ngā tangata takitahi kia whai whakaaro me te mārama ki ngā kōwhiringa urutaunga e wātea ana i ō rātou takiwā, mā te Kāwanatanga e:

- ▶ whakamana ture ki te tautoko i te whakatahinga whakahaere o ngā rawa i ngā takiwā mōrea
- ▶ arotake i te anamata o ngā kaunihera hei whakarite kia whai kaha rātou ki te hanga whakataunga kakama, toitū, whakaneinei āno hoki
- ▶ whakaputa i te hōtaka mahi mō te āhua e tutuki ai i a Aotearoa ngā utu mō ngā panoni āhuarangi, me te haumi ki te aumangea
- ▶ whakarite kia whai urunga ngā kaitiaki ki ngā mōhiohio me ngā tohutohu hei āwhina i a rātou kia mārama ki, te whakaiti pāpanga ki, me te urutau ki ngā taonga/rawa ahurea.

Te tāmāu i te aumangea ki te panoni āhuarangi

Mā te Kāwanatanga te aumangea ki te panoni āhuarangi e tāmāu puta noa i te katoa o ana rautaki, kaupapahere anō hoki.

TE TAI AO TŪTURU

Ka hauora ana, ka kanorau ana ngā pūnaha rauropi, ka tōtika ake pea tō rātou urutau ki ngā mōrearea āhuarangi. Hei tautoko i ngā pūnaha rauropi hauora me te tūhonohono, e matomato ai ngā pūnaha rauropi, mā te Kāwanatanga e:

- ▶ whakatinana i ngā kaupapa here me te rautaki mō ngā pūnaha rauropi hei tiaki, whakahou me te whakapakari i te aumangea o ngā pūnaha rauropi taketake ki ngā panoni āhuarangi
- ▶ whakapuaki i ngā mahi haumarū koiōra hei pare i ngā pūnaha rauropi me tō tātou ōhanga mai i ngā momo orotā urutomo
- ▶ whakatinana i ngā kaupapa arawai māori matua hei whakarite i te wāteatanga me te haumarutanga, me ngā arawai haumarū.

NGĀ KĀINGA, NGĀ WHARE ME NGĀ WĀHI

He tino wāhanga rawa tō ngā kāinga, whare me ngā wāhi ki tō tātou hauora, toiora me te āhua o te noho. Mā te whakariterite i te whakawhanaketanga e manawaroa ana ki te panoni āhuarangi ki ngā wāhi tika, me te whakatakoto i ngā tūāpapa e whai whakaarohia ai e ngā hāpori ngā kōwhiringa ka whakarite kia manawaroa rātou ki te āhuarangi panoni, me te tautoko i ngā tāngata me ngā hāpori kia taurikura. Hei tāpiritanga atu ki aua mahi, mā te Kāwanatanga e:

- ▶ āwhina ngā kaipupuri whare, ngā kairēti me ngā kaihangā whare hou ki te whakaheke me te whakahaere i ngā pāpānga o ngā pūmate ao tūturu ki ngā kāinga me ngā whare
- ▶ whakaheke i te noho whakaraerae o ngā kairihi whare tūmatanui ki ngā pūmate ao tūturu
- ▶ whakarite kia whakaarohia ngā pūmate ao tūturu i ngā whakatau tuku pūtea mō te whakawhanaketanga ā-tāone, ā-whare anō hoki.



TŪĀHANGA

Ka whakarato te tūāhanga i ngā ratonga e whakawhirinaki ai tātou mō te ora, te mahi, te ako, me te tākaro. Hei whakaheke i te noho whakaraerae o ngā rawa e tū ana i tēnei wā, me te whakarite kia tika te tūāhanga hou mō te āhuarangi e panoni ana, mā te Kāwanatanga e:

- ▶ whakatau i te hōkaitanga o tētahi paerewa aumangea, tikanga rānei mō te tūāhanga hei whakatenatena i te whakaiti mōrea me te whakamahere aumangea mō ngā rawa kei reira ināianei, me ngā mea hou
- ▶ kōmitimiti i te urutaunga ki ngā whakatau a Te Tai Ōhanga mō te tūāhanga hei whakarite kia whakaarohia te tūraru i ngā whakataunga e pā ana ki ngā rawa hou, puta noa anō hoki i ngā kaupapa whakahou matua, whakamohoa matua rānei
- ▶ whakawhanake ārahitanga hei tautoko i ngā kaipupuri rawa kia aromātai, kia mārama, kia whakahaere rānei i ngā pāpātanga me ngā tūraru o te panoni āhuarangi ki ā rātou rawa ōkiko me ngā ratonga e whakarato ana rātou
- ▶ whakawhanake me te whakatinana i te Mahere Urutaunga Āhuarangi a Waka Kotahi kia tutuki ai ngā kōtuinga ikiiki me ngā haerenga e manawaroa ana ki te panoni āhuarangi, te tūhonohono tāngata, hua me ngā wāhi kia taurikura ai a Aotearoa.

NGĀ HAPORI

He kanorau ngā hapori, me te aha ka kite wheako i ngā pāpātanga o te panoni āhuarangi mā ngā āhua rerekē. Mā te hanga me te tautiaki hapori pakari e whai taputapu tika ngā tāngata o Aotearoa ki te urutau. Hei tautoko i ngā hapori manawaroa kua whakahikotia ki te urupare ki ngā tūraru, mā te Kāwanatanga e:

- ▶ whakariterite te pūnaha whakahaere ohotata kia tino hou
- ▶ whakapiki i te aweko ki ngā pūmate taha āhuarangi nei kia noho takatū ai te tangata ki ngā tūpono ohotata i ia rā, i ia rā
- ▶ whakawhanake me te whakatutuki i te Mahere Urutaunga Hauora ā-Motu kia takatū ai te rāngai hauora ki te whakaea i ngā hiahia o ngā hapori i te wā o te panoni āhuarangi.

TE ŌHANGA ME TE PŪNAHA AHUMONI

Pāngia kētia ai tō tātou ōhanga e ngā pāpānga o te panoni āhuarangi, pēnei i ngā waipuke, ngā tauraki me te pikinga o te tai moana. Hei whakarite kia noho manawaroa tō tātou ōhanga ki te āhuarangi e panoni ana, me te āta whakamahi i ngā arawātea ka tūpono mai, mā te Kāwanatanga e:

- ▶ whakaahu kōwhiringa mō te rīanga waipuke whare hei toko i te aumangea hapori ki ngā mutunga iho o te āhuarangi hūkerikeri me te whakangāwari i te whakaora anō whai muri i te aituā
- ▶ whakapuaki rautaki hei whakarite kia aumangea, pono, rite mō te tōhenehene tā tātou pūnaha kawē rawa, ara tukutuku anō hoki
- ▶ āwhina i ngā pakihī ki te hanga whakataunga e pai ake ai te aro ki ngā tūraru ā-āhuarangi, ka whakatinana arawātea, ka whakamanea i te haumitanga nui ake, mā te hōtaka whāki mōrearea ā-āhuarangi.

Te mahi me te taiao ki te urutau ki te panoni āhuarangi

He mea waiwai te whakamaru i te kanorau koiora me ngā pūnaha hauropi ki tō tātou urupare āhuarangi. Ka taea e ō tātou pūnaha hauropi puiaki te mahi hei pākai mā tātou ki ngā pāpātanga o te panoni āhuarangi, te roki waro, te tautoko i te kanorau koiora me te whakapiki i te toiora o ngā hāpori.



Hei whakatutuki ngātahi i ngā mōrearea āhuarangi me te kanorau koiora, mā te Kāwanatanga e:

- ▶ whakaarotau rongoā e pūtakea mai ana i te taiao ki te urutau ki te panoni āhuarangi me te whakapuaki i ētahi atu painga ohāpori, ā-taiao hoki, me te tāmau i ngā rongoā e pūtakea mai ana i te taiao mō ngā kaupapahere ikiiki, me te tautohu kōwhiringa hei whakanui ake i te kōmitimiti i ērā ki roto i ngā āhuatanga o ngā tāone
- ▶ whakapūmau i te hōtaka mahi kōmitimiti hei whakapuaki i ngā putanga āhuarangi mai, kanorau koiora mai, taiao whānui mai.

E pāngia ana tātou katoa e te panoni āhuarangi, kua whai tūnga tātou katoa ki te whakapakari i te manawaroa

Ka pāngia tātou katoa e te panoni āhuarangi mā ngā āhua rerekē. Me noho takatū tātou katoa, ā, kua whai tūnga tātou katoa i ngā mahi whakapakari i te manawaroa o Aotearoa ki ngā panoni āhuarangi.

- ▶ He tūnga hautū tō **te kāwanatanga**, māna ngā kaupapahere me ngā tautuhinga whakanōhanga e whakapūmau tērā ka tautoko i te urutaunga tōtika.
- ▶ Kei te haputa **ngā kaunihera** e whakahaere ana i ngā pānga me ngā mōrea o te panoni āhuarangi. He taumahi ā ngā kaunihera e pā ana ki ngā pūmate ao tūturu, ki te rākau whakamarumaruru me te whakahaerenga ohotata, me te whakapiki i te aumangea o te hāpori.
- ▶ He tūnga ahurei tō **te Māori** – hei hoa Tiriti o Waitangi, hei tangata whenua, hei kaitiaki o ō rātou taiao tupuna, ahurea anō hoki.
- ▶ Ne noho rite **ngā hāpori** me ngā tāngata takitahi ki te whakahaere i ngā pāpānga o te panoni āhuarangi ki ō rātou ao o ia rā, me ngā mōrea ki ngā rawa tūmataiti.
- ▶ Me haumi **te rāngai tūmataiti** ki ngā mahi hei whakaheke i ngā mōrea ki ngā pakihī me ngā rawa. Ka āhei ngā pakihī te whai huanga i ngā arawātea ohaoha hou pēnei i te āheitanga ki ngā hangarau hou me ngā māketē hou.

Kia whai mana ōrite te katoa i ā tātou kōkiritanga urutau

Kore rawa e ōrite te pānga o te panoni āhuarangi ki ngā hapori rerekē. E whai whakaarohia ana ngā hapori he iti iho tō rātou kaha ki te urutau, me ērā hoki ka tino pāngia rawatia e te panoni āhuarangi, puta noa i tēnei mahere – tae atu ki ngā Māori, ngā iwi o Te Moananui-a-Kiwa, ngā hapori mātāwaka, ngā rōpū he iti tā rātou moniwhiwhi, ngā tāngata hauā, te hunga mātāpuputu, ngā wāhine, ngā tamariki, ngā taiohi me ngā hapori taiwhenua.

Te whakamana i te panoni mana ōrite mō te Māori, mā te Māori e hautū

Ko tā mātou he whakarite i te panoni mana ōrite mō te Māori, mā te Māori e arataki ki te hāpai i ngā motika me ngā pānga Māori i raro i Te Tiriti o Waitangi. E tutuki ai te panoni mana ōrite, me whakapakari i ngā hononga Māori-Karauna kaha, kia taea ai te koke i ā tātou mahi urupare hei hoa pātui.

Kua whakaahutia e te kōkiritanga panoni āhuarangi, Te Ihirangi, e aratakina ana e te Māori te anga Rauora, tērā ka whakatōpū mai i ngā uara me ngā mātāpono Māori hei tirohanga ā-ao taketake ki te panoni āhuarangi. Mā te anga e kitea ai te āhua e whakakokea ai te rautaki urutaunga me te mahere urutaunga ā-motu.



Mā te whakaata i te mātāpono o te tūhonohonotanga, koia ko te uho o te anga Rauora, ka para ngātahi tēnei mahere me te mahere whakaheke tukunga i te huarahi e mahi tahi ai te Māori me te kāwanatanga ki te:

- ▶ whakawhanake i te pūhara hou mō tā te Māori whakamauru panoni āhuarangi e āhei ai te tangata whenua kia āta whai wāhi ki te urupare āhuarangi
- ▶ whakawhanake i tētahi rautaki āhuarangi me te mahere mahi ka mairanga i te ao Māori me te mātauranga Māori i roto i te whānuitanga o ngā urupare ki ngā panoni āhuarangi
- ▶ whakarite i te tahua me ngā rauemi e tika ana mō ngā mahi ā-hapori, ngā kaupapa Māori, me ngā mahi me ngā rongoā ā-tangata Māori.

Ngā tūāoma urutau tae noa ki te tau 2028

Te whai kia manawaroa a Aotearoa ki te panoni āhuarangi

2018

He mea whakaputa ngā tūtohunga a te rōpū mahi hangarau mō te urutaunga ki te panoni āhuarangi

2019

Ka whakarite ngā menamena ki te Ture Urupare ki te Panoni Āhuarangi 2002 i te whakaotinga o ngā mahere urutaunga ā-motu

2020

Ka whakaputaina te aromatawai tūraru panoni āhuarangi ā-motu tuatahi



- ▶ Ka wātea ngā huinga raraunga matapae mō tō Aotearoa āhuarangi
- ▶ Me whāki ngā pūtahitanga ahumoni nunui i ngā mōrea me ngā arawātea ā-āhuarangi
- ▶ Ka whakatakoto ngā mahere paetawhiti i te aronga rautaki mā ngā haporī

- ▶ Ka whakamanatia te Ture Urutaunga Āhuarangi
- ▶ Ka whakatūria ngā hinonga ratonga wai hou
- ▶ Ka whakapūmautia tā Kāinga Ora kōkiritanga whai whare tūmatanui e manawaroa ana ki te panoni āhuarangi

- ▶ Ka mana ngā ture hou mō te rākau whakamarumarū me te whakahaerenga ohotata
- ▶ Kua pūmau te kaupapa wāteatanga me te haumarutanga o te wai

- ▶ Ka uakina te rautaki mātauranga tūmatanui mō ngā pūmate ao tūturu
- ▶ Ka tautuhi te anga whakamahere ā-motu i te ahunga mō te urutaunga me te whakahaere pūmate o te ao tūturu

2024



2025



2022

2023

► **Mahere urutaunga ā-motu tuatahi**

- Ka mahi ngātahi te Kāwanatanga me ngāi Māori ki te hoahoa i tētahi pūhara mō ngā mahi whakamauru panoni āhuarangi



- Ka uakina te tomokanga aumangea me te tūraru tuatahi
- Ka mana te Ture Taiao Tūturu me te Hanga me te Ture Whakamahere Whaitua
- Te wā me oti te pūrongo whakamutunga me ngā tūtohunga mō te arotake i Te Anamata mō ngā Kaunihera

- Ka whakatinanahia te Tauākī Kaupapahere ā-Motu mō te Kanorau Koiora Taketake
- Ka uakina te rautaki kawe utanga me ngā ara tukutuku
- Ka whakaputaina te Mahere Urutaunga Āhuarangi a Waka Kotahi



- Ka wātea ngā whakahou mō ngā Tikanga Hanga Whare
- Ka kōmitimitia te tūraru āhuarangi ki ngā whakataunga a Te Tai Ōhanga



- Ka tukuna te aromatawai tūraru panoni āhuarangi ā-motu tuarua
- Ka whakahoutia ngā tauira tuku pūtea mō te hanga whare me te whanaketanga ā-tāone kia whai whakaarohia ai te tūraru āhuarangi
- Ka tukuna te Mahere Urutaunga Transpower
- Kua tautohua ngā whakahounga ki ngā Tikanga Hanga Whare

- Ka whakatakoto ngā mahere paetawhiti i te aronga rautaki mā ngā hapori


- Te whanaketanga haere tonu o ngā rautaki whaitua ā-rohe me ngā mahere o te Ture Taiao Tūturu me te Hanga

► **Ka whakaputaina te mahere urutaunga ā-motu tuarua**

2026

2027

2028





Ministry for the
Environment
Manatū Mō Te Taiao



Te Kāwanatanga o Aotearoa
New Zealand Government

He mea whakaputa e te Manatū Mō Te Taiao
Hereturikōkā 2022
INFO 1090
Atahanga uhi: Clare Toia-Bailey